

# 急救仙方卷之八

<p> 夫疔疮之初生也，人多不觉。生於头面、手足、肚胁、腰腿间，亦无定处。一二日，必作寒热如疟，头疼，体痛不可忍，其痛稍异於寻常之证，须去遍身寻认其疮。如有小疮与常患之疮稍异，即是疔也。此疮得患，各有所因，而其形状亦各不同。猪疔，形圆而小，疮口内有油，。羊疔形长色白，。牛疔，形圆而小，疮口内无油，。狗疔，形长或带尖，色赤，。驴马疔，其状三角顶上有黑点，根赤，或。要知此疮非特猪、牛、狗、羊、驴、马之毒所致。宿水不洁，饮之亦生水疔。豆腐中有人汗，食之亦生豆腐疔。又有气疔、鬼疔，形状虽不一，然其治之之法则一也。 疮色缓，第一日疮顶疮色小白，第二日色大白，第三日色微紫，第四日色真紫。 疮色急，第五日色微青小紧，第六日色深青大紧，第七日色黑，其状有如鱼脐，又如灸疮之状，乃最紧急之候也。 疮证吉有应，如生一疔之外，别处肉上再生一小疮，即是有应，可用针挑破护场。疮四围有赤肿，生多疮多者，谓之满天星，饮食如常，头痛身热，手足温。 疮证凶无应，别处肉上无疮，不护场，疔四围无赤肿。内疔，盛渴欲饮水，饮食不进，头眩眼花，护床不动卧不起也，眼白睛痴不转，唇舌青，腹痛甚者，有内疔。五心肿，手足玲，气粗无脉。 桃红散，治诸疔疮，虽有凶证迭见，六脉俱绝死者，此药悉能主之。 蟾酥信石各少许蝉蜕去足翅斑猫去足翅，各三个蜈蚣头一个国丹五钱风化石灰一两，沙锅盛，瓦片并炭火壘一时久，取出 右各制，同研为末，令极细，指爪甲刮葱白皮内涎调药。先以禾叶针针破疮口，可深半寸。凡疔疮必有红丝路，可随红丝斜下针。如疮在胸以上，可斜向下；如在胸下，可针斜向上。盖疮毒喜趋心，故下针亦随毒气行也。出针后，疮口有恶血，须令出尽，别将蟾酥一粒如麦粒大，入在疮口中，用针送令深入，却以前葱涎所调药敷疮口，莫敷在好肉上，用冷水浸湿纸二三十重贴在药上，封固疮上。如清早封固至晚，觉疮口热即去纸，水洗去令摩，用玉红散掺疮口，疮口必有数日聾作疼痛，只用玉红散掺疮，仍日用葱汤洗。然疔疮之证虽危恶，但能用针破疮口，入蟾酥在

内，以桃红散封固疮后，即可保其回生也。至如疮口聾作疼痛不可忍，可不必忧，此非疗毒为害，乃是蟾酥在衅作腐烂疗毒，故尔痛也。可采芙蓉叶，桑叶亦可，搗敷疮四围，散其血，勿令血潮，日夜各换一药，须洗疮后上药，其疮安好不日也。若疗疮初发时，必发寒热身疼，此乃毒气在表，当汗而解，自沸汤主之。老人、虚人、孕妇，不宜汗下，止用桃红散拔毒。白矾五钱青黛三钱豕间贴背乾石灰三钱 右件同为细末，研至无声为度，打和令匀。每服三钱，井花水半碗调，柳条搅千百下令匀，顿服之。厚衣盖覆良久，用葱豉汤入醋少许，极热服，少助药力，得汗而解。若始不觉是疗疮，不曾以前法出汗，过数日方觉，则寒热体痛皆罢，毒气入裹矣，须用利药使内中毒气下泄，雄黄丸主之。雄黄郁金各五钱巴豆半钱，去心壳略去油 一方加信石一字许，不可多，用清油煮半日，取出晒乾入药。一方加斑猫七个，去翅鬣，糯米炒变色，去米用以治瘰疬。一方加玄明粉三钱以治咽喉肿痛，喉闭等证。右各研为细末，面糊为丸，如绿豆大。每服七丸，冷茶清吞下，取利为度，如未利再服。寒水石一两，火毁轻粉国丹各少许 右件研为细末，搽疮口，日夜二洗二换。盖蟾酥膏、桃红散皆为毒药，故令疮疼痛。用玉红散解二药之毒，用二药散其血，则当自然安矣。若一时未能辨#1前项蟾酥、桃红散等药，可用李世安一宗治法主之，功效尤速。当归散 当归尾二两川芎乾葛荆芥穗乌药白芷川独活赤芍药升麻各一两羌活甘草防风去芦枳壳各半两红花苏木各二钱半 疮疼痛者，加乳香、没药、白芷各五钱。疮热不退，加篁竹青、山梔仁各少许。大便闭，加枳壳一两。燥烦，加灯心十茎、竹茹一块。渴者，加天花粉一两。肿者，加甘草节、降真节各半两。眼晕，加川芎、白芷、荆芥、防风。渴而小便闭者，加滑石一两。右件吹咀，每服五钱，灯草十数茎，乌豆十粒，水一鍾半煎至八分。病在上食后服，病在下食前服，连进取效。若患疗疮，始初不觉，不曾用前法出汗，过数日外证皆罢，或在腹胁之间，或在胸腋之下肿起，此乃毒气入裹所致，宜用霹雳火治之。若服当归散外证不解者，亦急用霹雳火发散。鹅卵石炭火煨通赤，用淀桶一只，先置竹椅一只於桶内，又用一杓置竹椅下，令病人坐

於椅上；用荆芥为末，调下酸米醋一器，却置煨石於杓内，即用荆芥醋淋沃石上，火力不可大煨灼人，恐病人难禁。若火力已微，汗尚未透，可再加火力，再沃之，沃时桶口用衾覆盖，别用一衾盖病人头上，止留口鼻在外，令遍身汗出，须要头面皆有汗，病即除矣。此法绝妙，老人、虚人、孕妇有不宜汗下，可针破疮口，用海马拔毒散点疮，酒煎苍耳服。至如毒入裏，用霹雳火时，病人不须入桶，止用一小水桶，依前法以杓盛煨石在桶中，用醋淋沃，令病人侧身，以肿处覆在桶上四围，用衾被遮护，勿令气泄，良久肿处出汗。如汗未透，可再加火力，再沃之，须令肿处汗透，却不必遍身汗也。若疮在两脇间，毒气欲奔心，乃危急之证也。可急於患处尖上，用艾炷灸三五壮，仍於灸穴前后针出少血，灸疮四围有疱起吉，无疱凶。若疮生於虚软不便处，不可用针灸者，可用松针截法，针断红丝路。如疮生於两胯间，毒气欲奔肾者，用松针於两胯红丝路尽处，针断出血。如疮生头面上者，可於项间丝路尽出，针断出血或各处红丝路亦有不现者，亦可以意消详，用松针针之。凡用松针者，盖因红丝路不现，无可下手处，故用此法，於颌下、两腋间、两胯间虚软处下手，针断毒气，毋令攻心攻肾而已。取向北松枝上叶极硬者，顿齐作一束，扎令极紧，缓缓以意消详毒气所经行虚软处针之，须令出血。针时先用酒润下针处，针必小痛，令病人稍忍。仍用雄黄麝香为末，温酒调一二服与之，服之方下针。若表证皆罢，毒气入裏者，用前雄黄丸主之。若手足厥冷，六脉俱绝者，此乃毒气已深，气血为毒气所并，不能流通，是以体冷而不现，必须用木香流气饮，连进数服，气血流通，则脉自回矣。然后依法治之，万无一失。海马拔毒散，治疗疮大效，兼治诸恶疮发背。海马一只，炙穿山甲黄土炒水银朱砂各二钱雄黄三钱轻粉一钱脑子麝香各少许 右件除水银外，各研为末打合，入水银再研至无星。针破疮口，点药入内，一日一点，神效。夫内疔之证与外疔之证并同，亦发寒热，头疼体痛，但疮形不现，过数日胸背腹脇头面手足间，或有一处肿起，即内疔所发之处，急用霹雳火如前，不护场汗法，於肿处出汗。若身体寒热，虽未有肿起，但腹痛甚者，便须作内疔证，用后法治之，不可缓也。用蟾酥一粒，病

势重者用二粒，置病人舌上噙化。化后良久，用井花水灌漱，却用雄黄丸七丸，冷茶清吞下，得脏腑利数行，其病应手而愈。凡治内疔，蟾酥可於取时，用桑叶小钱大，入蟾酥揉和得所，丸如念珠大，阴乾。



[下载本文pdf文件](/pdf/1693-急救仙方卷之八.pdf)